

ტექნიკური დავალება

შესყიდვის ობიექტია ა(ა)იპ „სოფლის მეურნეობის პროექტების მართვის სააგენტოს“ (შემდგომში „სააგენტო“) ბალანსზე რიცხული ჯიპის ტიპის ავტომანქანების (მათ შორის პიკაპი) 552-ჯერ რეცხვითი და 5-ჯერ ქიმიური წმენდის და სედანის ტიპის ავტომანქანების 504-ჯერ რეცხვითი და 5-ჯერ ქიმიური წმენდის მომსახურებები (მოცემული რეცხვის/ქიმიური წმენდის რაოდენობები წარმოადგენს შემსყიდველის საჭიროების საორიენტაციო მაჩვენებელს, შესაბამისად, შემსყიდველი არ არის ვალდებული ზემოაღნიშნული მომსახურების შესყიდვა განხორციელოს სრულად), რომლებიც შესაძლებელია განხორციელდეს როგორც ტალონების, ასევე საბარათე სისტემის მეშვეობით, შემდეგი აუცილებელი პირობების დაცვით:

1. ავტომანქანების რეცხვითი და ქიმიური წმენდის მომსახურების ტალონების მეშვეობით განხორციელების შემთხვევაში მიმწოდებლის მიერ უნდა მოხდეს ამ ტალონების საკუთარი ხარჯით დამზადება და შემსყიდველისთვის მიწოდება ეტაპობრივად, შემსყიდველის მიერ ყოველი კონკრეტული რაოდენობის მოთხოვნიდან არაუგვიანეს 3 (სამი) კალენდარული დღის ვადაში.

2. რეცხვის/ქიმიური წმენდის ტალონი უნდა შეიცავდეს მინიმუმ შემდეგ ინფორმაციას: ა) მიმწოდებლის დასახელება; ბ) ტალონის იდენტიფიცირების ნომერი; გ) ავტომანქანის სახეობა (ტიპი) და სახელმწიფო ნომერი. ტალონის მოქმედების ვადა არ უნდა იყოს შეზღუდული.

შენიშვნა: ავტომანქანების ჩამონათვალი შესაბამისი სახელმწიფო ნომრებით, თითოეულ ავტომანქანაზე რეცხვის და ქიმიური წმენდის ჯერადობის შესახებ ინფორმაცია მიმწოდებელს გადაეცემა ხელშეკრულების გაფორმების შემდეგ, ყოველთვიურად (პირველი ინფორმაციის მიწოდება შემსყიდველის მიერ განხორციელდება ხელშეკრულების გაფორმებისთანავე).

3. ავტომანქანების რეცხვითი და ქიმიური წმენდის მომსახურების საბარათე სისტემის გამოყენების საშუალებით განხორციელების შემთხვევაში, მიმწოდებლის მხრიდან უნდა მოხდეს შემსყიდველის ბალანსზე რიცხულ შესაბამის ავტომანქანებზე პლასტიკური ბარათების (ამ უკანასკნელზე დატანილი უნდა იქნას ავტომანქანის სახ. ნომერი) უსასყიდლოდ დამზადება და მიწოდება ხელშეკრულების გაფორმებისა და შესაბამისი ინფორმაციის (ჩამონათვალის) მიწოდებიდან არაუგვიანეს 5 (ხუთი) სამუშაო დღის ვადაში.

4. მიმწოდებელი ვალდებულია საბარათე (პლასტიკური ბარათი) სისტემის მეშვეობით მომსახურების გაწევის შემთხვევაში, ხელშეკრულების გაფორმებიდან არაუმეტეს 3 (სამი) სამუშაო დღის ვადაში, თავის ვებ-გვერდზე გაუხსნას შემსყიდველს სპეციალური ანგარიში და უზრუნველყოს შემსყიდველის მიერ შემენილი რეცხვის/ქიმიური წმენდის მომსახურების ჩარიცხვა აღნიშნულ ანგარიშზე, პლასტიკურ ბარათებზე მისი შემდგომი განაწილების მიზნით. სპეციალურ ანგარიშზე რეცხვის მომსახურების ჩარიცხვის მომენტიდან, იგი წარმოადგენს შემსყიდველის საკუთრებას და შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამდენიმე პლასტიკურ ბარათზე ინტერნეტით, მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით.

5. შემსყიდველის პირველად საიდენტიფიკაციო სახელსა და პაროლს მიმწოდებელი მიღება-ჩაბარების აქტით გადასცემს შემსყიდველის უფლებამოსილ წარმომადგენელს და ამავდროულად უტარებს შესაბამის ინსტრუქტაჟს საიდენტიფიკაციო სახელისა და პაროლის შეცვლისა და გამოყენების წესების შესახებ. შემსყიდველი ვალდებულია ანგარიშის პირველ გამოყენებამდე და პლასტიკურ ბარათებზე მომსახურების გადატანამდე შეცვალოს მიმწოდებლის მიერ გადაცემული პაროლი და შემდგომში გამოიყენოს მხოლოდ მის მიერ შექმნილი ახალი პაროლი. პირველადი საიდენტიფიკაციო სახელისა და პაროლის შემსყიდველის წარმომადგენლისათვის გადაცემისთანავე ყოველგვარი პასუხისმგებლობა და რისკი საიდენტიფიკაციო სახელისა და პაროლის არასანქცონირებულ გამოყენებაზე, ელექტრონული ანგარიშიდან პლასტიკურ ბარათებზე მომსახურების უნებართვო გადატვირთვაზე და სხვა მსგავს შემთხვევებზე, აგრეთვე ამით გამოწვეულ ნეგატიურ შედეგებზე, გადადის შემსყიდველზე.

6. ავტომანქანაზე სახელმწიფო ნომრის შეცვლის ან შემსყიდველის ბალანსზე ახალი ავტომობილის დამატების შემთხვევაში მიმწოდებელი ვალდებულია უზრუნველყოს შესაბამისი პლასტიკური ბარათების უსასყიდლოდ დამზადება და მიწოდება შესაბამისი ინფორმაციის მიწოდებიდან არაუგვიანეს 5 (ხუთი) სამუშაო დღის ვადაში.
7. მიმწოდებელი ვალდებულია პლასტიკური ბარათის ფიზიკური დაზიანების ან/და დაკარგვის შემთხვევაში, შემსყიდველის მხრიდან წერილობითი შეტყობინების მიღებისთანავე დაუყოვნებლივ უზრუნველყოს ბარათის ბლოკირება. შემსყიდველს უფლება აქვს შეიძინოს ახალი ბარათი და ითხოვოს მასზე ბლოკირების შემდეგ არსებული ნაშთების გადატანა, ამასთანავე, ბლოკირებამდე ბარათების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება შემსყიდველს. პლასტიკური ბარათის პროგრამულად დაზიანების შემთხვევაში, მიმწოდებელი უსასყიდლოდ დაუზადებს შემსყიდველს ახალ პლასტიკურ ბარათს შემსყიდველის მოთხოვნიდან არაუგვიანეს 5 (ხუთი) სამუშაო დღის განმავლობაში.
8. ავტომანქანების რეცხვითი და ქიმიური წმენდის მომსახურების გაწევის დაწყება უნდა მოხდეს მიმწოდებლის საკუთრებაში/სარგებლობაში ან მიმწოდებლის ქვეკონტრაქტორის არსებულ ავტოსამრეცხაო(ებ)ში (ყოველდღიური გრაფიკით 09:00 საათიდან არანაკლებ 20:00 საათამდე) შემსყიდველის თანამშრომლების მიერ ავტომანქანის მიყვანიდან და შესაბამისი ტალონის ან ბარათის წარდგენიდან არაუგვიანეს 30 წუთის განმავლობაში. ამასთან, შემსყიდველის მოთხოვნის შემთხვევაში მიმწოდებელმა უნდა უზრუნველყოს სატელეფონო კონტაქტის საშუალებით შემსყიდველისათვის ინფორმაციის მიწოდება თავისუფალი სამრეცხაო ბოქსის შესახებ, რათა არ მოხდეს შემსყიდველის ავტომანქანის დაყოვნება ადგილზე მისვლისას.
9. მიმწოდებელმა უნდა უზრუნველყოს სატრანსპორტო საშუალებების გარეგანი რეცხვა უკონტაქტო რეცხვისათვის საჭირო მაღალი წნევის სარეცხი აპარატურით და ასევე შიდა (სალონის, საბარგულის) ნაწილის რეცხვა ხელით. რეცხვა უნდა წარმოებდეს მაღალი ხარისხის სარეცხი და საწმენდი სპეციალური საშუალებებისა (ქაფი, გელი, სპეციალური სითხეები, საბურავის საწმენდი საშუალებები და სხვა) და სპეციალური მოწყობილობების გამოყენებით. რეცხვის შემდეგ უნდა მოხდეს ავტომანქანის გაშრობა.
10. ქიმიურ წმენდაში შედის ავტომობილის საბარგულის, სალონის, ჭერის იატაკის, სავარძლების, ფეხსაგების, სავენტილაციო, გათბობისა და კონდიციონერების მილების წმენდა-დეზინფექცია, ინტერიერის სრულფასოვნად წმენდა.
11. ავტოტრანსპორტის ქიმიური წმენდა უნდა მოხდეს შესაბამისი აპარატით (ქიმიური ხსნარის შემფრქვევი და უკან გამოსატუმბი აპარატი), მტვერსასრუტით, მობილური საშრობით და ამისთვის გამოყენებული უნდა იქნას უმაღლესი ხარისხის და ჯანმრთელობისთვის უსაფრთხო სპეციალური ხსნარები.
12. ქიმიური წმენდის მომსახურება უნდა განხორციელდეს მხოლოდ შემსყიდველის უფლებამოსილი წარმომადგენლის მიერ მიმწოდებელზე გადაცემული დავალებიდან არაუგვიანეს 3 (სამი) კალენდარული დღის ვადაში.
13. ავტომანქანების რეცხვითი და ქიმიური წმენდის მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზიანის აღმოფხვრის ხარჯების ანაზღაურება ეკისრება მიმწოდებელს.
14. ავტოსამრეცხაოსთან მისასვლელი გზა უნდა იყოს კეთილმოწყობილი (მოასფალტებული ან სხვა შესაბამისი მასალით მოპირკეთებული).

შენიშვნა:

1. სატენდერო წინადადების წარმომდგენი პრეტენდენტი ავტომატურად ეთანხმება ტექნიკური დავალებით განსაზღვრულ იმ შესაბამის პირობებს, რაზეც წარმოადგენს შემოთავაზებას ტალონების თუ საბარათე სისტემის საშუალებით მომსახურების გაწევას.